

disse vnser Ordnung vnuorbrüchlich gehalten /
aller betrug / bosheit / vnd vnrecht abgewannt /
vnd wne es befunden / mit ernst gestrafft / gemey-
nes Bergkwercks / vnd aller menschen / sich des
gebrauchende / nutz vnd fromen gefürdert werde
Vnd soll mit allen andern obbemelten Amptleu-
ten vñ verordenten / desgleichen mit aller der stat
S. Annaberg / vñ Ampts doselbst vorwanten / vñ
jderman zum Bergkwerck gehörende / vñ vnsern
wegen zuschaffen / zugebieten / vñ zuuorbieten ha-
ben. Dem auch bisz zu vnser vorandrung / vñ jder-
man oben vormeidt / gleich vnser person / volkho-
mener gehorsam / bey vormeidung vnser schwä-
ren straff / soll geleist werden.

¶ Der vierdt Artickel.

Der Hauptman vnd Bergkmaister sol-
len keine theil haben.

*o der Hauptman
nota:
o der Bergkma-
y ster. Bergkma-
y ster vnd grafsworn.*
Es sollen auch der Hauptman vnd Bergk-
maister / zu abwendung mancherley argwenikeit
so doraus volgen mag / in zeit derselben irer ampt
auff S. Annaberg / vñ den zugehörenden gebirg-
en / keine Bergktheil haben / auch in keinem verbor-
gen schein nutz es danon gewarten.

¶ Der fünfft Artickel.

Von des Bergkmaisters Ampte.

Der itzige vnd zukünfftige Bergmaister / sol-
len macht vnd gewalt haben / auff den Gepirgen
so jnen beuolhen seind / nach außweisung bergk-
lenfftiger

•
•